

Sarajevo,

Broj: 02-03-14347

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl. novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 03-06-13482 od 13.03.2019.godine, Generalna direktorica donosi:

### **ODLUKU**

o izboru najpovoljnijeg ponuđača  
za nabavku uređaja za perfuziju, vantjelesnu cirkulaciju krvi  
za potrebe Klinike za kardiovaskularnu hirurgiju.

#### **I**

Prihvata se prijedlog Komisije za javnu nabavku, Izvještaj br. 03-06-13482 od 13.03.2019.godine za nabavku uređaja za perfuziju, vantjelesnu cirkulaciju krvi za potrebe Klinike za kardiovaskularnu hirurgiju, nakon provedenog otvorenog postupka javne nabavke i ugovor dodjeljuje najpovoljnijem ponuđaču:

#### **MINERVA MEDICA d.o.o. Sarajevo**

- Nabavka uređaja za perfuziju, vantjelesnu cirkulaciju krvi za potrebe Klinike za kardiovaskularnu hirurgiju
- Ukupna vrijednost: 449.999,00 KM + PDV 76.499,83 KM = 526.498,83 KM sa PDV-om
  - Zemlja porijekla i proizvođač: Njemačka - LivaNova GmbH
  - Tip ponuđenog: - STOCKERT S5 (mašina srce - pluća)
  - Uslovi plaćanja: odgođeno plaćanje u roku 30 dana, od dana isporuke, montaže, puštanja u rad i obostranog potpisivanja Zapisnika o primopredaji opreme, te ispostavljanja fakture.
  - Rok isporuke, montaže i puštanja opreme u rad: 45 dana od potpisivanja ugovora i prijema narudžbenice.
  - Garancija na isporučenu opremu: 12 mjeseci koja teče od dana obostrano potpisanog Zapisnika o primopredaji opreme.

#### **II**

U skladu sa dostavljenom Izjavom, najpovoljniji ponuđač je u roku od 5 (pet) dana od dana prijema ove Odluke, dužan dostaviti original ili ovjerene kopije dokaza traženih tačkom 4.1 Tenderske dokumentacije, a koji nisu stariji od 3 mjeseca računajući od momenta predaje ponude.

#### **III**

Ova Odluka stupa na snagu danom donošenja i objaviće se na web stranici KCUS-a putem web stranice Kantona Sarajevo istovremeno sa dostavljanjem ponuđačima učesnicima postupka javne nabavke.

### **OBRAZLOŽENJE**

Na osnovu Odluke br. 02-03-2035 od 14.01.2019.godine pokrenut je postupak javne nabavke sa međunarodnim učešćem, u svrhu nabavke uređaja za perfuziju, vantjelesnu cirkulaciju krvi sa procijenjenom vrijednosti nabavke u iznosu 450.000,00 KM bez PDV-a, odnosno 526.500,00 KM sa uračunatim PDV-om. Predmetna nabavka je planirana privremenim Planom javnih nabavki za 2019. god. pod klasifikacijom robe, red. br. 2. (Odluka o usvajanju izmjene i dopune privremenog Plana javnih nabavki Kliničkog centra Univerziteta u Sarajevu za 2019 godinu, broj: 318/18; protokol br. 02-01-67042 od 25.12.2018). Sredstva za nabavku su obezbjeđena, po presudi Općinskog suda u Sarajevu u iznosu od 1.980.042,79 KM.

Klinički centar Univerziteta u Sarajevu je dana 14.01.2019. godine na portalu e-nabavke, objavio Obavještenje o nabavci br. 893-1-1-32-3-10/19 zajedno sa tenderskom dokumentacijom. Sa portala e-nabavke tendersku dokumentaciju je preuzelo 19 (devetnaest) potencijalnih ponuđača, a do krajnjeg roka određenog za prijem ponuda 10,30 sati, dana 26.02.2019. godine, dostavljena je 1 (jedna) ponuda ponuđača MINERVA MEDICA d.o.o. Sarajevo, po cijeni 449.999,00 KM bez PDV-a.

Komisija za predmetnu javnu nabavku, imenovana Odlukom broj: 02-03-4411 od 25.01.2019. godine je izvršila uvid i provjeru svakog dostavljenog dokumenta i ustanovila da dostavljena ponuda sadrži sve tražene elemente i ispunjava formalno pravne, suštinske i tehničke zahtjeve postavljene tenderskom dokumentacijom, te je prihvatljiva i može biti predmet vrednovanja.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 3. Stav 3) u kojem je regulisano kako se e-aukcija ne može provesti u slučaju prijema jedne prihvatljive ponude, **postupak se okončava u skladu sa članom 69. ZJN.**

Obzirom da je zadovoljena transparentnost i da je cijena jedine dostavljene ponude u okviru osiguranih sredstava za nabavku, Komisija je Izvještajem br. 03-06-13482 od 13.03.2019. godine, dala prijedlog za donošenje „odluka o izboru najpovoljnijeg ponuđača“, odnosno da se “Ugovor za nabavku uređaja za perfuziju, vantjelesnu cirkulaciju krvi za potrebe Klinike za kardiovaskularnu hirurgiju, dodjeli jedinom ponuđaču MINERVA MEDICA d.o.o. Sarajevo.

Prijedlog Komisije je prihvaćen i donijeta je odluka kao u dispozitivu.



**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem odgovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS

A handwritten signature in blue ink, located in the bottom left corner of the page.